



Broj: 03-16-5-381-8/23
Datum: 09.10.2023. godine

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14 i 59/22), a na Preporuku Komisije za javnu nabavku, imenovane Rješenjem broj: 03-16-5-381-2/23 od 11.09.2023. godine, direktor Fonda za povratak Bosne i Hercegovine,
d o n o s i

O D L U K U
O IZBORU NAJPOVOLJNIJEG PONUĐAČA -
Nabavka i isporuka motornog vozila Fonda za povratak Bosne i Hercegovine

I

U cilju odabira najpovoljnijeg ponuđača, nakon provedenog otvorenog postupka za dostavu ponuda javne nabavke roba - Nabavka i isporuka motornog vozila Fonda za povratak Bosne i Hercegovine, kao najbolje ocijenjena prihvatljiva ponuda je ponuda ponuđača **TRIAB d.o.o. Sarajevo, sa ukupnom cijenom ponude u iznosu od 65.637,00 KM sa obračunatim PDV – om.**

II

Ponuđač iz tačke I ove odluke ocijenjen je kao prihvatljiv, jer ispunjava sve uslove postavljene tenderskom dokumentacijom.

III

Dokaze o kvalifikaciji ponuđača, ponuđač je obavezan dostaviti u roku od 5 (pet) dana od dana obavještenja ponuđača o rezultatima postupka, u skladu sa odredbama tenderske dokumentacije.

IV

Odluka stupa na snagu danom donošenja i objavit će se na web stranici Fonda za povratak Bosne i Hercegovine, u skladu sa članom 70. stav (6) Zakona, istovremeno s upućivanjem iste ponuđaču koji je učestvovao u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 03-16-5-381-1/23 od 11.09.2023. godine. Javna nabavka provedena je putem otvorenog postupka za dostavu ponuda. Procijenjena vrijednost nabavke iznosila je 56.111,11 KM, bez PDV-a i predviđena je Planom javnih nabavki za 2023. godinu pod rednim brojem 6/23. Obavijest o nabavci, broj: 316-1-1-27-3-10/23 poslana je na objavu 12.09.2023. godine, te je zajedno sa tenderskom dokumentacijom istog dana objavljena na portalu javnih nabavki.

U predmetnom postupku nabavke ponudu je blagovremeno dostavio jedan ponuđač "TRIAB" d.o.o. Sarajevo. Komisija za javnu nabavku, imenovana Rješenjem, broj: 03-16-5-381-2/23 od 11.09.2023. godine, izvršila je pregled i evaluaciju prispjele ponude i konstatovala da je dostavljena ponuda prihvatljiva za ugovorni organ.

Nakon izvršenog pregleda i evaluacije ponude, koja nije uključivala predviđenu e-aukciju, jer je dostavljena samo jedna ponuda, Komisija je dostavila direktoru ugovornog organa Zapisnik o pregledu i ocjeni ponuda, broj: 03-16-5-381-7/23 od 04.10.2023. godine zajedno sa Preporukom da se donese Odluka o izboru najpovoljnijeg ponuđača **TRIAB d.o.o. Sarajevo**, sa sjedištem na adresi u ul. Alipašina bb, Sarajevo, ID broj: 4201827680001 za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno postavljenim uslovima iz tenderske dokumentacije. U postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine putem ugovornog organa Fonda za povratak u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.



Dostaviti:

- Učesnicima u postupku,
- Odjeljenje za pravne, kadrovske i opšte poslove,
- Web stranica FZP BiH,
- a/a